

續修四庫全書

卷之四

四

五

六

七

八

九

《續修四庫全書》編纂委員會編

續修四庫全書

上海古籍出版社

一五四五・集部・別集類

龍壁山房詩草十七卷〔清〕王 拯撰……………一

龍壁山房文集八卷〔清〕王 拯撰……………一三三

賭棋山莊所著書二十五卷〔清〕謝章鋌撰……………二四五

味經山館詩鈔六卷評語一卷〔清〕戴鈞衡撰……………五三七

味經山館文鈔四卷〔清〕戴鈞衡撰……………五六九

帶耕堂遺詩五卷首一卷崇祀錄一卷 吳中判牘一卷〔清〕蒯德模撰……………六三三

吾幼也孤授詩母口長而失教讀焚與娶守哀吾生其
無聞身與世兮叢咎獨空文之是溺屢罔悛爲心疚觀其
靡所得於先亦安有望於厥後噫嘻乎已乎未也歲則逝
矣既弗能爲噉履之遺又安用此千金之帚
咸豐九年屠維協洽冬十二月龍壁山人自題

卷一

一

龍壁山房詩草卷一

己未集 庚寅至辛丑

馬平王拯定甫

江亭

激灩斜陽外廉纖微雨過春疑殘夢短愁與落花多獨雁
哀如此浮雲恨若何江亭倦修禊孤館積煙蘿

壺城雜詠

方塘達泉脈迴波澹容與上有白頭漁一竿釣秋雨
細雨淡曉色數峰圍玉屏海棠開未了紅上錦秋亭
半畝羅池在孤亭錦樹隈橋香三百本留待我歸來
古洞闕涼秋松顛白雲駐山風吹落木泉聲不知處
將進酒

君不見淵明歸去來呼兒種秫城東皋又不見謫仙之人

卷一

一

李供奉長安市上稱酒豪我今不識杯中趣但覺此意如
雲霄試解杖頭錢把我金叵羅芳草綠天末東風扇微和
萬花開處如綺羅黃鸝紫燕青春歌清風明月不用一錢
置此時不飲當如何不見黃鵠哀王母頭先餽咸陽天門
起灰燼建章宮闕徒嵯峨東門黃犬對兒泣北平故將逢
尉訶豈如頽然臥楹廡醒來一弄耕田歌仙風颯然動簾
幙舉頭明月蟾光薄手底金波激灩生花枝忽映深杯落
吁嗟乎夸父窮追何太癡杞人多慮亦何爲秦皇漢武今
安在我欲餘杯一奠之

少年行

洛陽酒樓官道傍銀瓶酒熟春風香市門重開日卓午雲
飛不度青天長誰家少年繡襦褠呼兒盪灑羅酒漿妖姬

龍壁山房詩草

〔清〕王 拯 撰

據中國科學院圖書館藏清同治
桂林楊博文堂刻本影印原書版框
高一八三毫米寬二六〇毫米

摘阮語悽惻令我忽忽悲中腸君不見長安甲第凌雲起
車馬盈門靜如水高堂客散燈火稀尙書鄰行金房裏車
鳴夜半收者來明日當衢積穀堆珊瑚七尺不敢獻粉屑
著地生莓苔十年不過朝天路爛醉重經舊游處昔日豪
奴作好官王孫卻傍平康住古來世事如滄田侯王大宅
還相連琵琶分明不敢訴但願歡樂長年年我今悲來淚
如雨街頭買刀五尺許再拜焚香慘不語昨夜城頭太白
懸高秋蹈海刺犀吾與汝

嚴關早發

野戍頻雞唱籃輿趁曉行秋聲攢樹急山勢束關橫冷雨
飛殘夢新寒犯獨征道旁閑堠立車軌正時清

洞口遲客

卷一

二

洞口薜蘿陰空山花氣深亂泉分白石嬌鳥啼青林十畝
仙居樂千年喬木陰還思寇先侶一爲鼓瑤琴

虞山有寄

昔日城東侶相從每醉還貪看樓外水重踏雨中山野鳥
能迎客林僧常閉關結廬頻有約幽夢未應閑

彭子穆

登竟

歸平南時學使楚雄公新喪余送子穆亦

將歸柳州也

海上成連去秋風一夜生此時抱綠綺淒絕雍門行落木
含商氣清歌懷徵聲君行坐孤舫高調復誰評

舟中風雨望衡山不得見

我來直挾湘流東江山變滅誇清雄昨下零陵望衡嶽挂
帆未覩神先融江頭鼓枻羨飛鳥一雨十日愁篙工朝來

湘水凡幾折狂飈作浪搖孤篷此時天地在蒼莽雲霧噴
洩神靈宮中峰高絕落天外萬仞合沓青芙蓉我知元氣
闕造化炎荒屏翳神爲功逶迤寶蓋導仙馭鞭叱箕伯驅
豐隆蕩滌山川淨邪濁詎有靈降齊高崧山中白衣如可
逢我欲青天騎白龍未能攀陟叩昏靄但見幢節遊虛空
平生五嶽始屬目怪此奇景詞溟濛江船夢醒出湘口山
巔嶽寺聞清鐘明日鳴榔泛巴岳還思五兩遵神風

窯頭口月夜望大江同雷學博

大江東來高拍天天東月出江心圓布帆一日出江口水
天景物何鮮妍昨從滎陽渡河來炎天酷烈愁車轡十日
買舟溯江漢始覺身骨稍輕便襄樊一帶擅林麓船頭風
日來無邊竭來江月始生魄西岑日落山蒼然殘霞捲空

卷一

三

雲浩浩微波蹴浪風仙仙江明夜定星斗懸玉繩百丈相
鉤連中流浩蕩接湘漢龍宮混淪玻璃鮮此時百怪定潛
匿照底不用靈犀燃江船打鼓夜潮上金蛇出水何翩翻
平生襟懷喜浩浩篷窗局促憐微蜩今宵意氣倏增長舉
杯屬月心神恬江頭漁子臥晚笛白鷗亂落如飛煙何當
醉墨灑蒼壁大呼驚起蛟龍眠

題雪棧圖

梅天霪雨漬苔斑五月蟲聲出井欄怪底江山秋氣早畫
圖風雪不勝寒

畫蘭便面

一篙春水汨羅渾暮雨瀟瀟欲斷魂千里湘流人不見卻
從何處託靈根

北風二首寄彭子穆

北風起蘋末寒氣沍江城出門何所詣舉步失逢迎昔人感交結契合南北溟與子生同方乃復同術營一昨京華游歸來求友聲交衢斯須立頓令四海輕子歸賦將母余亦休行膝下堂傷其足兩月憂患嬰饑來驅我出使我心怛怛桂山何寵從桂水方激清之子不可期有樽空復盈人生貴自得我言懷抱傷子歸及歲暮采菽奉高堂親戚來笑言酒食相餽將團樂話蟋蟀少長排雁行余生遘凶厲懷抱離井鄉二親捨我去七齡淚浪浪有姊寡且獨卵育望我長今年齊弱冠難爲閭里光子其善自愛吾已何所望誰云列鼎榮能敵負米強

清明日同彭子穆昱堯唐子實啟華謁呂禮北先生璜

卷一

四

墓作

嶺外慚荒僻高門望典型寒帷悲脫履入室有遺經憶共彌留語能毋涕泗零同來思築室衰草已青青

寄謝晏雲唐丈啟林廣州同李小韋宗瀛黃香甫錫祖

作

朔風起庭樹分袂各依然此夕不成醉相思空復年眷懷同素侶凝望惜遙天欲采瑤華贈臨風孰與傳

出門

我生甫一齡皇天奪其怙能言襁褓中日誦唐賢句飢食與寒衣日惟母絲縷時時棗栗索肯撲隣家樹七歲著袴衣晨興就鄉傳歸來呼病榻痛母長眠去大父時耄衰蒼黃泣如雨童年兩兄姊與我遂孤露大姊嫁彭城夫家早

崩殂折書招我至性命始得所童憎苦癡咲負氣猛如虎十歲強之學讀書殊莽鹵朝眠及日晏嬉戲涉園圃老塾憐我孤薄戒免夏楚羣經未畢業帖括先塗附十五謁黌宮游觀徧廊廡翻然自激盪慷慨謬期許稍知經九七何乃論四部鄉僻罕師傳免園惟冊簿前年秋賦興猥與計吏伍行塵附傳車光輝到羈旅神都拱北極憑高控四宇巍然宮闕壯試席南宮布誰能辨晁賈射策漫覲縷雖然無遠志薄植良知懼五月京師熟言歸別天府所知亦留戀浩然不可禦捧策向宜城停鞭嗟暑雨十程九泥濘蹇騾歎跋扈夜行苦輞飢野宿投荒莽迢迢盼所戚默默愴延伫黃鵠自天來江魚拜風舞南浮洞庭曠四望迷島嶼快哉五兩輕淅淅將煙艫秋色下湘灘團樂正三五空還

卷一

五

餘萬里情話獨嫗嫗阿姊喜我歸具食忘貧窶兩甥長並我婉婉弄機杼相聚會幾朝橐筆行僂僂才疎齡石札居隘伯鸞杵桂林山水地羣峰莽旗鼓六棺痛伶俚傳蕭寺久支拄稽首告先靈佳城寬西塢豈忘首邱志遠涉恨修阻幽宮暫窺窬有待意酸楚十月天風寒山村雨如注經營就畚揭淚血溼乾土塋域二頃田百畝歲誰取買置良可致鋤耰亦我與人生貴自得耕讀吾家素稷卨在廊廟願爲溺與沮兒誥齊民書妻聚農家女盛世安耕鑿橫經復學古鮮魚羅俎豆齋食充盎無柰無百緡長蕭條歎環堵歲晚春風溫州家告鄉舉所厚咸贖餽促迫不能拒阿姊病在牀呻吟日有瘋朝來勉加餐勸我結僦侶我去心志亂我畱又不許薄暮出門行堂前照列炬姊病強起言我

疾行且愈汝出志宜壯無爲攪腸腸長途愼風波遠道戒
寒暑孝弟首敬身此志天所予掩涕識茲訓惺然聞猛簾
擎舟向江干明月照煙澈宵征黯無寐清淚灑洲渚人國
重材良艱難望懷柱嗟予本樗散弱質同柳杞濟施豈我
力離別乃逾苦道旁神靈宮赫赫誰所主長跼告芬潔中
誠自獻剖我志鄙膏粱我心陋華膺平生殘骨肉所願作
蛩駘富貴五鼎烹惟牛問奚補俗生夸六印堪笑一腐鼠
我行日以遙惻惻歎靡盬飛鴻亦晨征懷哉此孤羽

朱濂甫編修 案觀近詩走筆奉柬卻寄諸友

衡湘以南多奇峯拔地而起凌蒼穹森然百怪恣奇變不
知盤古以上何以搏結開鴻濛我昔五載游擔簦提榼無
時休棲霞樓閣在雲表桂花開落空山秋灘江水作玻璃

卷一

六

響江上瓜皮划蘭漿灘流淺急有篙聲洞口漁舟自來往
有時月出西巖靜鐵筵銀笙亂烏榜皆洲煙霧曉濛濛萬
角寒山氣蒼莽一從計吏來騎驢客京縣擬乞大官升斗
米拋卻山中白雲練燕姬十五顏如花洗朱學月雙髻丫
春蔥銀甲鵲絃撾江東賈客大腰腹泥飲不識人含沙天
涯作客有如此閉戶忍饑良有以朱子好文學與我結交
慰離索朝回獨宿玉堂清古調松風彈落榻來相見索
我詩突管無靈苦蕭索蒲桃綠蟹殼青天街月色涼如冰
與君把酒傾如澠西山雲樹揖窗戶絕似逍遙樓閣凭山
中猿鶴好相待他日歸來攜酒朋

蘇虛谷同年 汝謙 屬題屠墟畫山茶便面歌

一搦雪香白中嵌賴玉杯招涼不須酒搖動清風來褐衣

季子京華客六月炎氛消不得聚頭涼友爛銀膚塗抹腥
紅弄顏色曼陀羅樹千葉花就中寶珠名最嘉洞庭山人
筆端老鉤棘落手片片生明霞長安城中日如火害裏堂
花斷花朵玉泉山頂紫煙重飛出雙龍赤雲裏街頭酒家
宵斫冰華筵寶月飛金輪妖童昵客作絮語手攜六角學
掩脣謝公蒲葵侈大雅醉裏掩匿甯非真城頭柝擊蟾光
墮爛漫歸來馬蹶慳行過東隣一桁簫亂絃嘈雜龍皮澆
紙屏石枕溪橋宅一握松涼野蕭瑟何當歸去海南春與
子褰裳訪仙客

長夏都門絕句

天街小雨放新晴赤日行天溽暑生睡覺日長無箇事午
廳銅盤一聲聲

卷一

七

插架牙籤亂葉堆金資小鼎傍樽罍白藥清冷紅葉豔買
得瓶花次第開
竹棚高架四圍遮漠漠輕陰透碧紗最是夜來風雨急扁
舟清夢入蘆花

東隣小屋傍高槐轆轤車聲動晚雷一桁碧雲飛不起玉
簫吹上月明街

擬古贈陳抱潛 元稹

天地大鑪冶陶鎔出菁英古今一代嬗澗色被文章伊昔
暢皇風廢歌起陶唐雍容三古民文治相勦翦戰國苦兵
革暴秦慘儒坑漢興屈羣策樸野氣不昌武帝志高邁斯
文賴扶匡試策闢天人說經抽芽萌清流沿魏晉大雅失
齊梁哀文振元和絕學修南康綿延僅一綫尤維殊紛靡

彼哉蜉蝣子楚楚憐衣裳蝨簡拾後慧災梨噉浮名百衲
無完襦芟流多絕潢其中亦何存巧言鼓如簧遂令絳灌
才笑訶差洛陽開國富文物遺民抱忠良雅宗數子輩抉
漢排天闢東髮志高舉聞風欲追驥門庭分漢宋頗覺斗
筲量矧茲世末俗如沸如蠲蟬文字藉身謀詔媚乃無方
高門託周秦斯道懼淪亡稱心發雄文大鳴誰琅琅我昔
受書日羣經味膏粱列史惜紛拏剖析孰與商頻年困微
賤挾策千朝廊歲月忍拋擲風塵走徜徉靈性久汨沒令
名復何望中宵起坐歎擁鼻悲寒蜚秋蟲春鳥聲哀怨激
枯桑吾子起於越傳家富琳琅神駿奮躡踏坐令萬馬僵
茫茫人海中斗室羅縹緲以茲窮日力所至安可量今年
齊弱冠玉立青松長昨宵危疴發襪被眠東廂毋將萬古

卷一

八

心焦熬累中腸泰岱有元根江河歸大藏蛟龍起蟄伏鸞
鷺應嘉祥耳目無真材塊塼慎所將末流誇幹濟高閣束
堯湯張弛極紛紜補苴慚未遑大樂奏韶韻黼黻升明堂
庶事苟不愆永年惟樂康誰能宏此謨明刑服孫穰繫予
早孤陋壯志徒飛揚因君發豪吟志欲高三唐城南花事
好君起共攜觴

南交有一士篇投湯海秋郎中鵬

南交有一士少小氣崛奇十年困奔走侘傺心不怡驅馬
入京門三年長絡羈長安十萬戶悵悵欲何之昨歲屆春
賦彈冠謁天墀挂名列東曹使我親勾稽稽生七不堪我
乃百無宜朝見墨胥徒懷若親嚴師平生志恢廓瑣屑奚
肯爲春風萬里來惠然庭戶披髯乎適何之握手軒雙眉

秋鷹拔風塵燕雀相嘲噓神驥奮躡踏坐令萬馬墮賢豪
氣益世齟齬唾與淚不圖矮屋中屈曲蟠龍影微生苦狹
隘甕勉藏崙寄如何相拂拭毋乃辱所知清晨造我私邸
舍明朝曦牛腰持示我壯氣生淋漓韓憤眾方疾賈哭世
所疵功名爛市屠勲伐崇牧兒諸公淹雅才老大徒傷悲
一封朝論列夕命隴顛危以此卜運會明旦將匪宜著書
手腕脫雪案盈千堆可憐耗精血慘澹幽冥追誰能相賞
析轉欲肆齟齬世無芭識雄徒令覆轡欺走也實微眇闕
畧情性癡讀書一無成泛濫百氏窺門庭久衰薄謬欲青
雲馳一爲墮塵網舉足成參差豈惟觸藩羊遂作曳泥龜
逝將弃此官言歸南山陲葺我柏下廬植我園中葵故山
望不到罪悔空漣涌東南方用兵兇醜熾島夷溟波歟飛

卷一

九

揚勢欲滔天來生民苦荼毒 聖哲宏仁慈人生一世
間冠履各有宜國恥未能雪分爲馬革尸明當買吳鉤蹈
海朝鯨鯢一身不自保瑣瑣安可知吁嗟抱此志晝日首
空垂霹靂起蛟蟄飄風聞馬嘶艱難有同氣披瀝乏雄詞
哀音厲以長毋使俗者嗤

尺五莊次海秋韻

京洛盛文譙風流懷百年池臺餘後起花木麗晴天蟲語
新涼健林陰卓午圓江亭芳草地寥落有誰憐謂陶然亭
一帶塋楊裏青帘出水莊小橋支斷木新漲落迴塘露菡
千紅定風蘋萬綠狂余情方汗漫休復怨馮唐
綠水漾紅蕖芙蓉面面俱素衣香自滑嬌靨醉難扶泥飲
思金谷長歌酌望諸此時哀樂意顛倒惜窮儒

年來入事感搔鬢自疑翁小劫搏沙後新交屠狗中池花媚朝旭園柳怯秋風泥飲呼園叟生涯與爾同

大風雨夜作

天意竟誰測客愁殊未明雲雷生暗壁風雨逼殘更中澤況聞雁南州方苦兵吾生那足道欹枕若爲情

和蘇虛谷枕上

落月下如雨空齋秋不勝客心炤孤月蟲語遍殘燈酒醒他鄉夢鐘敲何寺僧龍鬚席未捲霜氣欲生棱

重九日同人遊崇效慈仁諸寺歸飲酒肆

城南諸古寺懷舊幾來經不見花鬢紫惟餘佛髻青梵聲當午靜槐夢入秋醒倦策逢僧話驅車好暫停

東南諸老盡花木四時荒風雨餘龍子丹青剩鴿王斷垣

卷一

十

分篠竹漆院護壘揚若許同龕借渾思襪被將

斜日重闌下寒煙古屋生上方移塢影歸路趁鍾聲剩有

思親淚甯無出世情狂遊得吾侶一醉判宵更

戲贈錢萍社同年

寶奇

綺窗月出玻璃鮮華光照見金沓然珊瑚牀高倚屈刻寶押不落珍珠圓錢郎翩翩年最少新詞百闕誇英妙一著宮袍宴曲江馬蹏落井干花笑翠裘蒙茸冠著箕玉白吳兒相見癡金樽滿泛持勸客願此長夜無還期梨花白墮秋缸美蓮漏森沈燭花喜黃金拋盡夜何央推倒玉山扶不起玉山醉倒三千年長安市上幾謫仙人如此自可樂不見蓬萊水涸生飛煙城南夜靜霜街滑襪被歸來臥殘月明日相逢閣道西朝衫露溼風侵骨

書孫琴西同年衣言詩卷兼寄張亨甫

際亮 閩中

孫郎妙筆今謫仙海東張子爲我言長安市上一相見翠眉頭玉神軒軒揭從人海經年住有似寒雅棲古樹天門鵬鷃盡驚騰倦翮離礎不飛去走昔少年矜結交世間萬事輕鴻毛秦樓大醉換歌舞采雲飛落青天高自從騎驢客京縣兔園日挾心煩勞大官斗米食不足山中猿鶴空嘲嘈金臺八月秋風早垂楊萬樹空絲裊城頭月出亂樓烏屋角霜寒破枯篠十千買醉醉復醒只合君詩散懷抱黃河水落天西頭風濤蕩激神靈愁蘇門長嘯我能識褒城痛哭君何尤海內青雲今幾輩天涯落拓嗟行朝人生相遇幾相識笑把金龜與君擲擲眉折腰竟何爲爛醉狂吟聊自適張君別我春復秋歸眠蘿薜行且休海東兵氣

卷一

十一

儻銷歇與子須泛沙棠舟

夢賴子瑩

其瑛 二首

明月照我牖蟋蟀居我壁落葉走前軒寒風苦蕭瑟離居寡言笑獨寐陷憂戚惠然君胡來握手卽我室平生有要約片語露肝膈寥寥海雲長漠漠庭陰積離合本何常去來那易測攬衣起中夜倚案孤檠立

吾生尠儕偶興懷每孤特茫茫人海中舉步靡所適賢豪匪可援闢茸羞與立逡巡衣帽接輾轉情性朱君家五華側幽構娛水石殷勤縛萌龍與孰共晨夕落瓠嗟無用蒸藹或有及早霜衾枕寒坐待東方白

載送虛谷同年南歸並寄桂林龔孝先

一貞

蘆花頭白天雨霜飛鴻肅肅雲中翔天涯行客去略盡執

手欲語天蒼涼長安城中雪盈尺去年送君遊輔邑西堂
煮酒夜共餐東郭跨驢朝獨入琉璃百未酌滿杯柳棉如
雪君重來御溝荷花三百柄雲錦十里臨風開天橋酒樓
與君醉坐待西山月出照見金鰲玉螭百尺之樓臺九門
跌蕩飛華軫紫帶金章聯鞢鞞君方捧策遊槐市我亦懷
香謁蘭省風檐夜月深窺幕拍案豪吟重坦率漢廷老宿
我見畏隻字單詞苦齷齪君今拂袖歸去來黃金斗大將
何爲得亦不足喜失亦不足悲高堂白髮開口笑世間萬
事俱塵埃桂林十月東風早嶺上梅花含萼小君歸正及
潮水枯試探前村一枝好象岩之北龔子居寒山臥疾今
何如春來南雁正北向好與寄我空中書

陳蘭谷孝廉庚登出都

卷一

十二

九尺珊瑚屈膝橫綺窗釵蠟照筵明錦鞍繡袴渾閒事賺
得流鶯住久聲

蘆溝橋畔水流東獨客輕裝冒雪風醉裏不知京國夢馬
頭殘月曉濛濛

歲暮寄李小章桂林

兩年京國風塵惡萬里江鄉問訊疎別後新詩增幾許春
來舊疾定何如文章海內銷塵土烽火天涯急羽書倦翮
離礎不歸去側身南望渺愁予

車中作

蹇策倭遲大道旁黃金臺畔氣蒼蒼九門甲第聞鐘鼓一
角西山見夕陽玉鞭風酸鳴鐙手翠裘雲重射雕場高樓
百尺人何在寶鑑新愁黛色長

對雪

峭寒風漸息蕭槭在空林一夜城中雪誰家門外深檐花
飛玉戶庭樹列瑤簪何處白龍尾西山露一岑

燈花

玉蕊垂垂發寒光滿一篝不知何事喜未解主人愁鬢影
消除易家書寄達不夜深茆屋裏長記豆棚秋

龍翰臣同年敬端來自武陵辱以詩草屬訂卽題其後

桂林山水甲天下平地蒼玉立嵯峨十年探奇興不盡虔
衡一志餘偏頗東山七星何磊落西巖六洞憑森羅玉華
南來天地隘海陽北去風雲多爲熊爲羆爲虎豹如獅如
象如龍隨拂雲龍從翡翠樹拔地峯崿珊瑚柯山川鍾毓
幾奇士舊遊歷歷曾相過商君雄才久淪落麓垣龔子駿

卷一

十三

足還跌踉後來彭生富文筆子穆蘇唐秀茁瓊山禾虛谷
識君最晚城北郭僻巷夜靜聞吟哦清朝廣衆一相見門
前鵲立衣猶荷浮雲荏苒各奔走頻年契闊堪煩覲長安
綺陌春事早城東蕭寺逢逶迤就中聊閱有夙契鶴初鳥
鳴伐木欣爲囿新詩袖出各傾倒南轅倏復驅疲騾我歸
傷足滯郡邑戊戌歸郡城黔江尺鯉來牂牁報詞苦語不
可聽繫我肺腑無訛訛明年獻賦又京國老死不分甘荆
和南宮中策驥尾附金門玉珮同委蛇臚聲宣出御階曉
鰲頂直上金鑾坡雲霄咫尺看君去九門洞啟青驄賦簾
才我自百無分東曹畫入稽叢苛自從天橋與君醉花前
一別情消磨幽州朔風寒微雪花萬片明淖沱君行攬
轡有清興夜宵涼筆燈前同遊蘇季致瀟灑枕函得句

能切劇晏嬰身不滿六尺旁人錯笑侏儒姓木棉花開豔
如雪春風十里鳴雕珂書來貽我湘水曲玉質落手光含
璫千秋雅抱辱相待要我正法降羣魔邇來吾道苦榛莽
附塗惡戲如拋堦衰樂絕那可道江水日下忘岷嶓雲
龍角逐孰韓孟賞奇鬪險鑄乖訛置身磊磊在嵩華下視
塊塏誠么麼浮名眾瞰耳目異大言偶發羣兒戲我生服
此自小弱縱勢突兀無嫌要有時乘興浪走筆長吟短呻
懷古病京門飛鞚盛車馬飛沙撲面塵積轡朝來聽鼓畏
僂僂修容入廐慚顏酡敢言經緯期管樂自苦美佞無朝
鯁閉門不出轡馬臥秋霖十日生庭莎讀書幽莽惜虛牝
枉復雪案書千螺夜寒清夢到江澗蘆花萬頃披漁簑城
南數子有文物相從日夕談義矯海棠花寺暮相訪明燈

卷一

十四

影出紅雲窠湖樓看花酒痕碧樓前楊柳垂青縞渾忘職
事在官府顛倒卻著烏皮鞋西風冽冽撼庭戶晚檐落葉
飛藤蘿停車仄巷聞剝啄握手一笑消煩瘥新詩示我如
東筍黃昏燒燭燃飛蛾天河倒翻蛟蜃怒匣劍嘯出星辰
詞豪情徑欲跨魏晉苦心亦復求陰何看君造詣有如此
竿影日上疑飛梭撐持天宇志恢廓豈合一第論高科念
昨東南報河決頗聞城邑淤漩渦海中鯨鰐露瓜齏血月
狼藉剝蒼瞞賢豪于世要有用詎暇飲酒能高歌要當鰲
足奠四極江海萬里平風波袖中奇策獻天子剗犀蹈海
揮長戈歸來拂衣謝簪組茅龍往縛青山阿男兒此願那
易遂手無尺柄心則那我言徒大衆所縉願子巨刃青天
摩中興大業勒崖巘青琳十丈刻蚪蚪明堂金石奏雅樂

鴛鴦在列側弁戕桂山東堂新築室逝將去汝適澗蕝待
君歸來各綺皓樽鼎品列排犧獻人生心力在少壯儒術
自古崇參軻 聖朝英俊出館閣精金鍊入青沱堀好官
豈獨耀清美禁署頗牧今誰何雄篇巨筆聊快意他山之
石宜切磋高筵沽酒爛歌舞玉罍自酌蓮花醑酒酣耳熱
不稱意擬拓一石鳴鎗碧華鍾殷地金闕曉鳳鳴鶴和聲
相和

悼亡八首

作繭春蠶死未休生憎薄命嫁黔婁平生百事乖離盡枉
復人間誓白頭
十年婚宦誤清貧塵世茫茫未了因玉鏡風光纔幾日篋
衣愁檢槌痕新

卷一

十五

微雲池館帝城偏滄海珠沈月化煙惆悵春風花下立美
人蘭夢視清圓
九衢何事逐浮沈長抱西風一片心絕憶蘆簾風雪裏夜
窗燈火話瓊琛
江鄉秋老綠蕤絳絲十幅漁簑辦已遲萊隱風流真汝荆
釵椎髻入山眉
翠薄銀釭伴著書玉蟾秋影碧蘿疏而今畫諾歸來晚長
簾空牀自埽除
荷鋪劉郎癖酒厄傷心瓶杓爲君辭雪壘風調堪重省夢
醒燈殘酒渴時
歲綈長鑣殞宮秋何日相攜隴畔舟地下關河魂不隔故
山歸去傍松楸

十二月二十三日同姚子箴大令輝第翰臣萍缸遍看
城南窰花歸飲酒肆

旭日挂檐檐鳥呼城南窰花魂始蘇官閑歲晚宜清娛看
花結伴巾我車花工幻徇古所無市門窵窵藏葦蘆紛紛
資玉堆盆盂嫣紅姹紫密或疏居然赤手迴春枯老梅古
槎霜雪耀傲兀亦與凡卉俱譬如傑士懷遠圖時艱粥粥
隨凡夫淩波仙子黃玉膚翠衣珊珊來藐姑歲寒有汝德
不孤平章三五欣吾徒買歸競欲金錢輸春風冉冉懷我
都嶺雲不凍春山蕪虬枝蟠天粉雪鋪鶴頂爛若腥紅塗
黃塵輾輾我馬瘡天橋酒家行可沾沿街爆竹春聲轟當
門半貼鬱壘符燈前笑樂忘牽拘夜深漏滴傾銅壺醉歸
曹騰策輶驚寒宵遠夢生江湖攬衣起坐心踟躕作詩索
和如追逋眼前莫放殘歲徂

卷一

十六

梁九基南歸

門前車馬來有客將遠歸子來秋始半春風倏披幃時物
幾遷移關山鳥倦飛豈不惜子去誠知久客非君行計日
月塞裳拜庭闈白髮笑堂前童稚問牽衣人生骨肉間屈
勉相因依團樂有餘樂跋涉空危機

絕思風雨親朋友亦云樂矧吾與子舊歡好由卅角京塵
揚九陌閉戶共藜藿羈孤憫窮宦慚遭豎鬼惡強魄幸可
支兩月因纏縛艱難賴匡扶相對憐索莫寒窗梅蕊新病
起辭靈藥遲迨君又去送子歎垂橐瀕行樽酒將莫厭市
沽薄

丈夫志問海墮地射蓬桑辭家遊萬里愛子神飛揚我知

君有懷鸞鳩非所量浩歌行路難閱歷幾風霜不見長安
陌金臺餘夕陽古來英雄士屠狗與賣漿藉其不逢時粥
粥誰短長行矣君莫迴我意先傍倥團團兩鶩淥日夜流
清泠

卷一

十七

龍壁山房詩草卷二

已未集 甲辰至丁未

馬平王拯定甫

春日雜詩

新陽滋土脈萌達被邱原天地豈其私萬物各有恩東隣老穀樹枝葉特翻翻種竹傍庭砌叢篠苦未繁同茲雨露澤稟氣獨何芾浮生逐大化樞軸道何存得喪理不齊誰能指元根魯連憤者隘漢公會其屯所以董相幃低首不窺園

幽谷有山泉春流殊浩浩盈科進不已勢欲百川導濟物由有餘豈云一朝暴方其時閉藏蘊蓄在秘奧北陸有鉅澤夏秋積雨瀑橫流懷四野幾日成枯澇眞源識內充虛願悔前躁歸來將閉戶一室自灑埽抱獨誠可欣未敢冀

卷二

深造

雞鳴朝日升百族何營營顛倒苦不足造物細所生檐前蔭嘉木上有好鳥鳴密葉抱新穀喬柯多遠聲聊當一枝借詎羨九苞榮高飛謝黃鵠寥廓任縱橫

幽蘭生空階不與衆草隣未當主人盼華萼自青春清風時被服馨香不爲人何用採折爲芳性葆其眞

甘澤降時雨東臯日霏霏遙思南畝翁日夕荷鋤歸春耕秋有穫力穡願不違我慚田父勤蹉跎幾芳菲雖無豚蹄祝豈願情農饑門前桃李花灼灼自光輝巖阿有松桂後彫知者稀

三月廿五日梅伯言先生會亮六十生日同人識集龍樹寺次邵位西舍人辰韻三首

元樞萬化宗悠久出貞靜達人窺道原履坦得眞境蕭然羣閨中摩此寸靈炯時艱方厝薪世事狼藉悲愉豈相闕浮妄悉已屏微官暫祿仕僻處稀朝請閑園蒔花竹歲晚伴孤冷河海近清平多事幸無警百年有壇坫長願牛耳秉

斯文世英華厥妙本虛靜異說正多方支離懼殊境夢塵霧餘白日殊自炯遠響厲霄鴻繁聲謝池龜瑾瑜出光曜纖惡就除屏方姚昔廓摧斯事日有請聲聞力追關執戟甘閑冷江海一波濤玉雪益清警相從古訓敦有獲庶遺秉

卷二

疑疑吾黨英避熱各就靜幽潛崇古尙榮辱忘世境蛟龍抱冬蟄鸞鳳翮朝炯不材最游惰彊事亦黽黽造門屢晨夕勞攘時自屏嘉辰風日清三五黃鸝請來看龍樹清莫遣春杯冷婆娑文酒宴荒忽賴鞭警來時茲會數良夜燭堪秉

出都言懷

歲歲秋風思單車且賦歸微官空復爾少日已全非會計才先拙馳驅願易違訾洲烟雨窟時物幾芳菲桃李花三月春風滿帝州驅車纔幾日風雪漸颺江海幸無事田廬各有秋翺翔指南雁應爲稻粱謀抱鄰棲蓬牖焉知懷葛澗一從朝籍溷始歎奔基新局趣難高枕艱危易積薪扁舟儻東海往欲問垂綸不救孤生蹇常憂萬化遷詩書增腐氣風雨惜華年徙宅妨原曾拂衣懷仲連金門容大隱曼倩世疑仙

勝日消談讌閒雲任毀譽清和眞一酒寂寞太元居雪地
常穿履花時屢借車平生眷游從覓復去踟躕
皇都盛冠蓋客意問如何絲竹中年感風雲壯氣磨艱難
餘骨肉迢遞向關河未有江鄉橋能堪遂笠蓑

往平遇雪

夜色昏如墨驅車欲四更野風吹夢斷人語覺寒生點點
林煙積搖搖戍火明無爲歎行役襁褓俟春耕

雪霽登嶽光樓

聊城三日雪樓閣晝冥冥日出齊烟白雪迷岱色青飛花
山店啟橫艦漕旗停稍喜逢三白秋成祝四垌

雪中放歌示袁鑾身同年 餘東昌作

天地一寥泲街柝何沈沈城中雪盈尺璀璨曲池平春風

卷二

三

十里銅街白碎路瓊瑤酒家陌蠟燭烟青獸炭紅玉梳梨
花飛一石紫雲坐我東碧玉歌我西我於其間醉兀兀夢
寐不復聞天雞芳華棄擲歸何有枉復城南浪沽酒馬蹄
蹴跋車塵昏驅車百里齊東門邨醪盈碗醉不得野戍荒
屯愁殺人曾連臺畔三更月海上金丸隱明滅嶽光高樓
與子登拂面顛風飛玉屑歸來旅壁同僵卧隔院琵琶夜
深憊底須溝渚有窮夫美錦纏頭祇何奈丈夫行路嘗阻
艱清歌美酒置等閒虎頭猿臂好身手與爾射獵歸南山
濮州過莊子祠
大道將誰挽黃虞世早湮孔顏終陋巷濠濮有斯人嘯傲
輕王霸文章闕隱淪驅車向何所愧我逐風塵
經明潞王墓下作饗殿今爲佛寺矣

殿閣沈荒草鐘魚傍野僧銅盤猶有託金盃竟無憑帝子
虛乘露春人怨泣冰燕山一回首風雨十二陵

百泉謁孫徵君祠

慕道在夙昔及壯空蹉跎昭代數儒宗容城昔來過百泉
三日遊清風生薜蘿修竹闕山徑當時此軸邁天地昔元
黃江海一洪波豪釐爲楊左壯節先嵯峨晚蹈倦微辟泉
源足巖阿慨時學有門朱陸方殊科行身由孝弟涂軌何
偏頗快哉湯耿流負笈越關河青雲士有託如石得剖磨
不附驥尾彰空山徒嘯歌我來思僦室居遊孰觀摩矧無
一畝羸奔走當如何

示內

我幼本孤特七齡喪雙親阿姊撫育之孩提及成人弱冠

卷二

四

事書策饑驅走踉蹌登第漸三十東曹陪薦紳經營始家
室有女出西秦謂言可永諧一載東華春從無忤言色但
有同苦辛慘念何可復懷懷弱草塵兩年守京國遺挂劇
傷神似續歎靡託兩世存一身室家緣再造屢勉冀良姻
吾先抱世德屈抑長隱淪天道果弗誣報食宜振振人家
有衰盛端由夫婦倫夕燈在筐績晨祀宜藻蘋前塵愴我
懷後助賴子仁
抗志在夙昔少小氣蓋世立身比嵩華齷齪恥流輩及壯
百踈此疚心多夢寐一身不自理矧日四海志天意欲相
成卑棲聊不試以茲平生心斂退就閑置家風本儒素澹
泊又吾意文史足優游青雲有高契曹司作中隱祿仕但
云寄昔者卻缺妻奉饁同耒耜亦聞老萊子負戴不相棄

雖余愧芳躅望子能古誼雙婦難爲安命庶得遂

有姊在遠方老病又寡獨相依以爲命幼小託顧復不見
今七年寄食久戚族雙鬟况未嫁悵望勞遠目踟躕別君
行馳此萬里轂言將一舸還來養就杯叔余荒有衰志百
事自顛蹙長聞嘗申申庶免行碌碌春明半畝宅薄俸行
可餽瓜法東陵種酒如南村灑春秋還著書旦晚數進粥
骨肉永團樂所願良亦足人生貴自得詎羨萬鍾粟

淇泉陳冀子山長 祖望 惠讀新詩賦呈長句

蚤聞鶯座說陳遵親見皋比衛水濱四海幾人推老宿百
年多感閱風塵壻鄉好往愁生 謝就 春廬能客便作
鄰把讀新詩最惆悵潘郎衰髮亦秋純

奉和湯敦甫閣老 金釧 游龍杖歌同韻

卷二

五

晨章乞退承明廬百年晚節從康娛東華養老宅一區清
風亮節羣論孚方袍幅巾跼履朱腰腳老健便雙鳧小園
愛植游龍杖秋風紅紫花扶疎歲晚取材藎落餘挺立直
幹神先殊匡牀坐對心踟躕呼童拔取連其相支離根夢
歸剛鋤天然爲杖供攜扶中堅外直色不枯霜皮瑩紫羞
明珥者英倚植同康塗穩步不數丹蚪鬚平泉花石百卉
蕪水洪零落入迹虛誰能拂拭陳天都什襲杖咸接履趨
此材幸得緣階除從容繩削力不劬作詩示客客歎吁謂
此爲製世所無桃竹赤藤良弗如方今國事集蓼荼艱難
大步誰實俱公雖抑抑辭金鋪未可前後忘囑于願公良
以勤蓄儲持危扶顛日有須登龍有願方慚吾以詩爲質
行將圖

將發衛郡留別內兄施孟餘通守 序

懶逐從官出送迎夜窗還理讀書檠眞玉樹蒹葭倚好
是春風棣萼情何日歸期探宛委與君奇觀約滄瀛驅車
我亦王程在未許寒氈送老生

陳冀子丈有詩贈行別後次韻奉答

先生瀟灑五侯賓旅食委蛇漸老生沽酒臨邛曾作客鼓
刀清衛不逢人相逢漫許文章貴暫別仍思杖履親高調
陽春勤自惜行歌那不笑儒巾

許昌夜雨

倦客孤衾擁寒篝竟夕焚不知深夜雨曾共綺窗聞遠戍
迷征鴈荒臺鎖亂雲青山歸路好濃綠定敷紛
東里謁國大夫祠

卷二

六

不有輿人謗誰能衆母任名開循吏傳道契素王心井里
風流渺田疇麥秀深時艱正須策惆悵拜荒岑

襄城驛賦新柳

依依山郭夜黃昏細雨空濛欲斷魂憶向河橋折楊柳東
風吹過總無痕

赤壁感懷偶作

大江橫槩態何雄萬舸旌旗一炬空五丈原頭星忽隕人
間何事不東風

舟夜

贏得緇塵染 帝都扁舟歸去夢魂孤誰憐夜雨雕青鬢
又見春山長綠蕪薄宦支離慚骨肉壯顏憔悴惜僮奴江
干亦有鳴夷棹進盃空山悵老夫